

**Կուսակցության պետական գրանցումը մերժելու
օրենքով նախատեսված հիմքերը**

Կազմակերպական-իրավական տեսակը	«Կուսակցությունների մասին» ՀՀ սահմանադրական օրենք	«Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» Հայաստանի Հանրապետության օրենքի
Կուսակցություն	<p>ՀՀ ԱՆ աշխատակազմի իրավաբանական անձանց պետական ռեգիստրի գործակալությունը մերժում է կուսակցության պետական գրանցումը, եթե՝</p> <p>1. կուսակցության կանոնադրության կամ ծրագրի դրույթները ուղղված են Հայաստանի Հանրապետության սահմանադրական կարգի բռնի տապալմանը, կամ</p> <p>2. կուսակցության հիմնադիրների թիվը չի համապատասխանում «Կուսակցությունների մասին» ՀՀ սահմանադրական օրենքի պահանջներին (մասնավորապես՝ պետական գրանցման պահին կուսակցությունը պետք է ունենա ոչ պակաս, քան 800 անդամ, որոնք ներկայացնում են Երևան քաղաքը կամ Հայաստանի Հանրապետության մարզերի առնվազն 1/3-ը կամ Երևան քաղաքը և Հայաստանի Հանրապետության մարզերի առնվազն 1/4-ը, ինչպես նաև փորձաքննության ստորաբաժանումներ՝</p> <p>1) Երևան քաղաքում՝ առնվազն երեք ստորաբաժանում կամ</p> <p>2) Հայաստանի Հանրապետության մարզերի առնվազն 1/3-ում՝ յուրաքանչյուրում առնվազն մեկ ստորաբաժանում կամ</p> <p>3) Երևան քաղաքում և Հայաստանի Հանրապետության մարզերի առնվազն 1/4-ում՝ յուրաքանչյուրում առնվազն մեկ ստորաբաժանում:), կամ կուսակցության հիմնադիր համագումարում որոշում չի ընդունվել կուսակցության ստեղծման կամ կուսակցության ծրագրի ընդունման կամ</p>	<p>Կուսակցության պետական գրանցումը մերժելու հիմքերն են՝</p> <p>1. կուսակցության կազմավորման՝ օրենքով սահմանված կարգի խախտումը.</p> <p>2. սույն օրենքով և այլ օրենքներով սահմանված փաստաթղթերը չներկայացնելը.</p> <p>3. ներկայացված փաստաթղթերի անհամապատասխանությունն օրենքին կամ կուսակցության ներկայացրած այլ փաստաթղթերին. (մասնավորապես՝</p> <p>Արձանագրությունը պետք է բովանդակի տեղեկություններ՝</p> <p>1) նիստի գումարման օրվա և վայրի մասին.</p> <p>2) Արձանագրության կազմման օրվա մասին.</p> <p>3) նիստի աշխատանքներին մասնակցելու իրավունք ունեցող անձանց (այդ թվում՝ ձայնի իրավունք ունեցողների) մասին (եթե առանձին կազմակերպական-իրավական ձև ունեցող իրավաբանական անձանց վերաբերյալ օրենքներով այլ բան նախատեսված չէ).</p> <p>4) նիստի աշխատանքներին մասնակցած անձանց մասին (եթե առանձին կազմակերպական-իրավական ձև ունեցող իրավաբանական անձանց վերաբերյալ օրենքներով այլ բան նախատեսված չէ).</p> <p>5) նիստի օրակարգը.</p> <p>6) քվեարկության դրված հարցերը, քվեարկության արդյունքները, ընդունված որոշումները.</p> <p>7) այլ տեղեկություններ, եթե այդպիսի պահանջ սահմանված է առանձին կազմակերպական-իրավական ձև ունեցող իրավաբանական անձանց վերաբերյալ օրենքներով, այլ օրենքներով կամ իրավաբանական անձի կանոնադրությամբ:): (17-րդ հոդվածի 6-րդ մաս):</p>

	<p>կանոնադրության հաստատման կամ ղեկավար կամ վերահսկողություն իրականացնող մարմինների կազմավորման մասին, ինչպես նաև ընտրված չէ մշտապես գործող ղեկավար մարմնի ղեկավար (կամ ղեկավարի ժամանակավոր պաշտոնակատար), կամ</p> <p>3. կուսակցության պետական գրանցման դիմումը ներկայացվել է կուսակցության հիմնադիր համագումարի անցկացման օրվանից մեկ տարի անց: (11-րդ հոդված 1-ին մաս)</p>	<p>4. անվանման անհամապատասխանությունը օրենքով սահմանված պահանջներին, եթե անվանման գրանցումը մերժվել է, և անձը չի ներկայացրել այլ անվանում: (36-րդ հոդված 1-ին մաս)</p> <p><i>(մասնավորապես՝</i></p> <p>1) ոչ առևտրային կազմակերպության անվանման գրանցումն իրականացվում է կազմակերպության գրանցման հետ միաժամանակ: (32.1 հոդվածի 1-ին մաս)</p> <p>2) Կազմակերպության անվանման գրանցումը մերժվում է, եթե դրա տարբերակող նշանակություն ունեցող անունը՝</p> <p>ա) նույնական է սահմանված կարգով գրանցված այլ իրավաբանական անձի լրիվ անվանմանը.</p> <p>բ) նույնական է Կազմակերպության գրանցմանը նախորդող վերջին մեկ տարվա ընթացքում լուծարված այլ իրավաբանական անձի լրիվ անվանմանը (անվանման հապավմանը).</p> <p>գ) պարունակում է հայհոյանքներ, վիրավորական անվանումներ, անհարիր է ազգային կամ հոգևոր արժեքներին, հակասում է մարդասիրության և բարոյականության սկզբունքներին: (32.1 հոդվածի 6-րդ մաս)</p>
--	--	--

Կուսակցության փոփոխությունների պետական գրանցումը մերժելու օրենքով նախատեսված հիմքերը

Կազմակերպական-իրավական տեսակը	«Կուսակցությունների մասին» ՀՀ սահմանադրական օրենք	«Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» Հայաստանի Հանրապետության օրենքի
Կուսակցություն	<p align="center">«Կուսակցությունների մասին» ՀՀ սահմանադրական օրենքով կուսակցությունների կանոնադրության և ծրագրի փոփոխությունների պետական գրանցումը մերժելու հիմքեր նախատեսված չէ</p>	<p>Կուսակցության փոփոխությունների պետական գրանցման մերժման հիմքերն են՝</p> <p>1. իրավաբանական անձի փոփոխությունների՝ օրենքով կամ կանոնադրությամբ սահմանված կարգի խախտումը.</p> <p>2. սույն օրենքով և այլ օրենքներով սահմանված փաստաթղթերը չներկայացնելը կամ ներկայացված փաստաթղթերի անհամապատասխանությունն օրենքին (մասնավորապես՝ «Կուսակցությունների մասին» ՀՀ սահմանադրական օրենքի համաձայն՝</p> <p>1) Կուսակցության հիմնադիր համագումարը որոշումներ է ընդունում կուսակցության սրբեղծման, կուսակցության ծրագրի ընդունման և կանոնադրության հաստատման, պետական գրանցման համար լիազորված անձի (անձանց), ղեկավար և վերահսկողություն իրականացնող մարմինների կազմավորման մասին, ինչպես նաև իր կազմից ընտրում է մշտապես գործող ղեկավար մարմնի ղեկավար (կամ ղեկավարի ժամանակավոր պաշտոնակատար): (8-րդ հոդվածի 1-ին մաս)</p> <p>2) Կուսակցության սրբեղծման մասին որոշումն ընդունվում է կուսակցության հիմնադիր համագումարին ներկա առնվազն 100 հիմնադրի միաձայն որոշմամբ: (8-րդ հոդվածի 2-րդ մաս)</p> <p>3) Կուսակցության ծրագրի և կանոնադրության հաստատման, պետական գրանցման համար լիազորված անձի (անձանց), ղեկավար և վերահսկողություն իրականացնող մարմինների ձևավորման մասին որոշումներն ընդունվում են կուսակցության հիմնադիր համագումարին ներկա հիմնադիրների ձայների մեծամասնությամբ: (8-րդ հոդվածի 3-րդ մաս)</p> <p>4) Հիմնադիր համագումարի կազմակերպիչները հիմնադիր համագումարի անցկացման օրվանից առնվազն մեկ ամիս</p>

առաջ Հայաստանի Հանրապետության հրապարակային ծանուցումների պաշտոնական ինտերնետային կայքում՝ <http://www.azdarar.am>, հրապարակում են կուսակցության հիմնադիր համագումարի անցկացման ժամանակի և վայրի մասին ծանուցում, ինչպես նաև կուսակցության կանոնադրության և ծրագրի նախագծերի հիմնական դրույթները:

(8-րդ հոդվածի 4-րդ մաս)

5) Պետական գրանցման պահին կուսակցությունը պետք է ունենա ոչ պակաս, քան 800 անդամ, որոնք ներկայացնում են Երևան քաղաքը կամ Հայաստանի Հանրապետության մարզերի առնվազն 1/3-ը կամ Երևան քաղաքը և Հայաստանի Հանրապետության մարզերի առնվազն 1/4-ը, ինչպես նաև փարածքային սփորաբաժանումներ՝

ա) Երևան քաղաքում՝ առնվազն երեք սփորաբաժանում կամ

բ) Հայաստանի Հանրապետության մարզերի առնվազն 1/3-ում՝ յուրաքանչյուրում առնվազն մեկ սփորաբաժանում կամ

գ) Երևան քաղաքում և Հայաստանի Հանրապետության մարզերի առնվազն 1/4-ում՝ յուրաքանչյուրում առնվազն մեկ սփորաբաժանում:

(9-րդ հոդվածի 2-րդ մաս) կամ իրավաբանական անձի ներկայացրած այլ փաստաթղթերին, ընդ որում, առևտրային կազմակերպության կանոնադրության փոփոխությունների կամ նոր խմբագրությամբ կանոնադրության դրույթները օրենքին համապատասխանելու տեսանկյունից չեն ստուգվում.

3. առկա է իրավաբանական անձի փոփոխության գրանցումն արգելիլ կամ սահմանափակող՝ դատարանի համապատասխան որոշում կամ վճիռ: (43-րդ հոդվածի)

Կուսակցության ծրագրի փոփոխության պետական գրանցումը մերժելու հիմքեր նախատեսված չեն: